

宅之東南十里餘舊名雞栖并鼠數枚墮地雖拖腸而不死意其嘗得竊食仙藥也後人或見之者必為瑞應焉仙駕凌空向遠望之不可見唯祥雲綵霞瀟漫山谷百里之內異香紛馥經月不散初真君迴自旌陽奉

蜀錦為傳道質信於謔姆姆製以為殿帷至是忽飛來周遊旋遠於故宅之上竟入復飛入雲霄後置觀故以游惟為名初真君與郭璞尋真選

勝至宜春棲梧山王長史之子朔迎真君居西亭久之朔謂曰吾視子可傳吾術乃密授仙方復云此居山川秀麗兼有靈泉出於道南前對洞天俯臨秋水宜為道院朔從之真君乃書一龍已天篆靖字子壁而去飛昇之

日雲駟過其上遣二青衣下告朔以被玉皇詔命因來別子朔洎闔家瞻拜祈度真君俯

告曰子輩仙骨未充但可延年乃飛仙茅一根授朔曰此茅味異植於茲地久服長生甘能養肉辛能養節苦能養氣鹹能養骨滑能養膚酸能養筋宜和苦酒服之必效言訖而

別自後王族如言服餌各壽百齡焉今臨江軍五虛

觀即其地真君所從游者三百餘人其功行無出者通真君十有一人

修真十書玉隆集卷之三十三



修真十書玉隆集卷之三十四三十五 卷六

續真君傳

真君飛昇之後里人與真君之族孫簡就其地立祠以所遺詩一百二十首寫竹簡之上

載之巨笥令人探取以決休咎名曰聖籤其鐘車函曰並寶藏于祠後改祠為觀因錦惟以命名曰游惟

旌陽之民競資金帛負碑壁來焚壇并以報德各鐫姓名其上蜀民碑綠改宮修蓋始撤去之今間有存隋煬

帝時焚修中輟觀亦尋廢至唐永淳中天師胡惠超重建之明皇尤加資奉本朝太宗

真宗仁宗皆賜御書真宗又遣中使賜香燭花幡旌節舞偶改賜額曰玉隆取度人經太

釋玉隆騰勝天之義也仍禁名山樵採蠲租賦之役復置官提舉為優異老臣之地徽宗

皇帝降玉册上尊號懋告詞文維政和二年太歲壬辰五月丁巳朔十七日癸酉皇帝

謹遣入內侍省內殿程奇請道士三七人於洪州玉隆觀建道場七晝夜罷散日設醮一座三百六十分位上啓神功妙濟真君伏

以至神無像雖莫能名成德在人姑從所示式褒顯蹟肇薦徽稱冀享褒崇永綏福地名無任誠惶誠恐懇禱之至謹詞

御降真君册誥表文

臣名祇奉高真肇揚顯蹟仰太霄之在望後

靈宇以申虔美利所加既作黎民之福純熙來被更延景歷之昌臣無任精虔敬切之至謹奉表奏以聞名誠惶誠恐稽首頓首謹言

玉册文曰維政和二年歲次壬辰五月丁巳朔十七日癸酉皇帝再拜言曰天眷用懋寵綏四方爰有至真克相上帝煥威赫德錫羨降康而名號弗宣曷彰報典迺詔有司考循祕牒發揮遺懿垂示無窮恭惟真君躬握元圖密庸妙契絲魏迄晉嗣休炳靈賑乏蠲痾一方攸賴剪妖馘毒三氣獲分肆膺謫姆之符榮啓都仙之籍超昇旋極載祀綿邈廟像屹崇風烈如在例炎暉之有赫方皇運之正隆存降嘉祥幸彰幽贊禱饗答民物阜寧宜極微稱以昭嚴奉謹遣朝奉大夫充集賢

殿修撰知洪州軍州管幹學事兼管内勸農使充江南西路兵馬鈐轄護軍賜紫金魚袋王勇上專號曰神功妙濟真君洪惟降鑒誕受丕章佑我無疆保茲景命俾緝熙於純嘏用敷錫於羣倫謹言

政和六年改觀為宮仍加萬壽二字除甲乙為十方六年五月一日辰時御前降到首字號不下司文字付禮部朕因看書于崇政殿恍然似夢見東華門北有一道士戴九華冠披絳章服左右童子持劍拂皆衣青後有二使者綵衣道裝捧印杖前至丹墀起簡揖朕攀左龍尾上殿朕疑非人間道士因問卿是何人不詔而至道士對曰吾為許旌陽權掌九天司職上帝詔往按察西翟耶國經由故國觀其妖氣故來相訪朕請坐而問曰此患為何答曰湖南湖北三十六萬絹網入水此實小龍為害蓋先朝不封此子為王當永嘉之戮自折母腹而奔走未及害人因而赦之今乃輒為國家之患侯吾還當有處分不令住於江淮間矣朕夢中謝之復問曰朕患安

息瘴諸藥不能愈真君有藥否即取小瓢子傾藥一粒如菜豆大呵呪抹於瘡上覺如流酥灌體入骨清涼遂揖而去行數步復回顧曰吾弊舍久已寥落願聖皇舉眼一看為幸朕豁然而覺不數日有司奏到果然絹網盡數被風濤覆沒即取圖經考之見洪州分寧縣梅山有許旌陽磨劍之地詔畫像如夢中所見者賜上清儲祥宮尋依道錄院奏請於三清殿後造許真君行宮再降手詔命中大夫謝景仁下分寧縣同令佐以係省官錢新換旌陽觀仍賜詔書一道前去本觀收掌遇天寧節即撥放置行一人仍命採訪許真君別有遺迹去處如未有觀即勒本屬取官錢建造如有官觀屋宇損壞即如法修換無常住即撥近便僧寺堪好莊田入觀供辦務令嚴謹主者施行數月後復夢真君如初謝上曰分寧乃昔經行之處重勞建造吾卜地西山遺迹具存但居宇隘陋不足副西京瞻視幸陛下下一修整之耳上寤即詔洪州改修玉隆萬壽宮仍降圖本依西京崇福宮例鼎

新蓋造賜真君像一軀及銅鑄香鑪花瓶燭臺鐘磬之具御書門殿二額凡爲大殿六小殿十二三廊七門五閣前殿三面壁繪真君出處功行之迹後殿奉安玉冊其上建閣寶藏三詔御書兩廡複壁繪仙仗出入之儀環以墻垣由墻之西貯真人之故居建道院以安道衆建炎中金人寇江右欲火宮庭俄而水自楹桶間出火不能熨虜酋大驚乃書壁云金國龍虎上將軍來獻忠被授元帥府上畔都統大軍屆茲遍觀聖像莊嚴華麗不敢焚毀時天會八年正月初二日記主觀想知悉寫畢載兵而去此壁近類方理其字紹興二十八年賜御書十軸令寶之以鎮福庭焉凡真君之所遺物皆有神物守護不可觸犯殿前守植栢其榮悴常兆宮之盛衰剪以煎湯無疾不療丹井舊有神龍出沒胡洞真始置符石以鎮之鐵柱唐嚴譔作州牧心頗不信嘗令發掘俄迅雷烈風江波泛溢城郭震動譔懼叩頭悔謝久之而後止又強取真君修行鐘置之僧寺擊之聲啞如土木疑道流以術禁之

遂加囚繫欲置於刑譔忽坐寐爲神人叱責將斷其首驚覺遂釋道流送鐘還宮至五季亂一夕飛去莫知所之車轂州牧徐登欲見之令取至府猶未及觀即夕飛還皇朝猶在金人入寇尋失之石函雖有竅縫而不可開唐張善安竊據洪州強鑿開之其蓋內丹書字云五百年後狂賊張善安開之善安懼磨洗其字終不能滅遂藏其蓋止留函底今與皆存三朝宸翰及真君玉冊金人入寇之後不知所存焉真君垂迹遍於江左湖南北之境因而爲觀府爲壇靖者不可勝計或散在山林湖澤絕有異處如龍沙側之磨劍池池上沙壁立略不湮塞新建縣之嘆旱湖水蛭至多以粒藥投之其蛭水絕至今名藥湖松湖市之採邱真君嘗少憩至今其家無蚊蚋豐城縣之杪針洞蛟入其中以杉木楔之至今不朽奉新縣之藏溪蛟藏其中以劍劈裂溪傍巨石書符以鎮今鎮蛟石靖安縣有劉仙姑名懿真年數百歲貌若童子誼姆嘗稱之真君往見則已飛昇矣遂留寶木華車遺

之車因風飄舉三日而下因名其觀曰華車觀碑碣猶存今號樓霞觀此類莫克殫舉每歲季夏諸卿士庶各備香華鼓樂旗幟就寢殿迎請真君小塑像幸其鄉社隨願祈禱以蠲除旱蝗先期數日率衆社首以瓜果酌獻于前殿名曰割瓜預告迎請之期也真君之像凡六唯前殿與寢殿未嘗動餘皆隨意迎請六旬之間迎請周徧洪瑞之境八十一鄉之人乃同詣宮醮謝曰黃中齋黃中儀武真君所派傳也七月二十八日仙駕登宮左之五龍崗禁辟蛇虎自古以然謂之禁壇故遠近祈禱之人晝夜往還絕無蛇虎之患仲秋號淨月自朔旦開宮受四方行香禱賽薦獻先自州府始州府具香燭酒幣速通之人扶老携幼肩輿乘騎肩摩于路且有商賈百貨之射利奇能異伎之逞巧以至茶坊酒壚食肆林邸相續於十餘里之間駢於關市終月乃已常以淨月之三日仙仗往黃堂觀謁心前一夕降殿宿齋南廡次日昧爽啓行少息于懿真靖晚宿紫陽靖次日早登龍城壇渡小蜀江初

真君尋飛茅時嘗渡此江以錢二百勞舟人舟人請益不已欲需一千真君從之既登岸舟人持錢歸二鐸耳餘皆指繼始驚訝知其神人至今仙駕經由舟人止覓二鐸不敢過求也臨午至黃堂朝謁謔姆鄉之善士咸集

陳宴享之禮明日復留終日初六日早由西路以還宮中每以中秋日修慶上昇齊先一日建醮次日黃君來觀黃君真君之婿也其

行多由間道明且未至宮五里曰侯陂有亭曰著衣觀黃君更衣之所也宮中具威儀迎

入端門舊有門對正殿曰黃閣門也初朝于前殿分賓主禮次日享禮畢降殿憩于西廡俟暮西還而

宮東之市肆商賈居民必固邀遊街以求利市競爭牽挽幾至龍崗橋乃曰俗云姑丈所

至則利市依合每試有驗故也每三歲上元後一日真君仙仗往瑞陽存問黃君曰西撫

上元日禺中先迎置前殿陳齋羞三獻之禮詰朝乃行初出東門即南過望仙橋經茂壩

入黃姑巷次至安里迂入元都壇少憩壇在舊有觀今廢次登師姑嶺入元仙靖尋出驛路再

迂入小路二里許至朱塘觀供此地有養顏生碧復出大路至暗山頭遂至三十里鋪地

凡出從者午食乃度九崗九洎過龍陂橋抵

祥符屬高安縣舊名折仙觀瑞人多出城迎謁號曰接

仙真君降輿與黃君宴於前殿十七日復受

享禮主首侍從仙駕者乃詣後殿酌獻于許氏仙姑白澤與成中成始也次日未五鼓而返凡六供

士庶焚香迎謁者以千數凡所經由聚落人民男女長幼動數百人焚香作禮化錢設供

至有感激悲號者每仙駕出入主首必再拜送迎於大門之外至於南朝西撫及州府迎

請祈未必主首從行馬真君乘龕輦白馬金鳳為前導世傳昔有白馬之神廟食于真君

願充前驅也金鳳意其朱雀導前之義或置於龕輦之項正合上有朱雀之義而世傳以

應母之祥肩輿之人調古歌一閱齊聲唱和歌名黃鶴樓有著高冠絲帕者數對冠名絲

樓二者甚古怪蓋晉代之禮也絲樓高二尺許上天下尖

竹治絲帛結絲戴於首以帛懸額下唐道士蘇景休詩云世事已歸唐層數仙歌猶是晉鄉風唐詩云且怪之蓋其歌調雖在而其詞

久亡守顯今作三章以補之其一曰真君功行滿三千帝詔凌空度九天難犬也隨仙春

去至今聖迹尚依然其二曰真君捨我甫十

於晨夕焚香叩首其惟願慈悲思下上乞將多福佑生靈其三曰道師選姆住州陽一葉

飛牙者為春仙駕不忘當所由之路橫斜曲日約年年一度謁黃堂

直遵于古不可少易易之則有各每仙駕將出地分之人競先開舊逕立表以指其處蓋

非眾人所常行之路也舊記云昔愛女所行真君躡蹤而往至黃君家為留信宿乃由通

道而歸其尋飛茅亦多委曲尋訪故今南朝西撫並龍前迹所過之地龕有輕重遲速安

危晴雨之占肩輕步速安穩清明為地分之福肩重步遲失撲陰雨為地分之灾福則歲

稔人安灾則人傷物厲唯西撫之行往欲雨寒還欲晴暖反是亦灾仙駕每行必衝早涉

暝履茅茨荆棘之地部從社賽之人動逾數百然從古未聞有傷其足者唯忌人畜生死

厭穢凡香錢服用飲食坐卧皆須避之否則立有卒暴之禍後有述蹇之灾皆前人所傳

而今人所見之明驗也

修真十書玉隆集卷之三十四